



Damonda da baghegiar

Nr. 23/2024

Datum da publicaziun: 23-02-2024

Patrun: Deplazes Sereina e Gsell Reto, 8004 Turitg

Liug e parcella: Surrein-Via Plazzas; 1228

Object: sanaziun parziala interna ed engrondaziun da finiastras

Nr. 25/2024

Datum da publicaziun: 23-02-2024

Patrun: Buchmann Martin, 8217 Wilchingen

Representant: Coray Holzbau AG, 7130 Ilanz/Glion

Liug e parcella: Sumvitg-Plaun da Crusch; 4108

Object: sanaziun parziala interna e construcziun d'in carport

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 23-02-2024

Cumissiun da baghegiar

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 01/2024

Maissen Reto, 7302 Landquart; montascha d'in indrez fotovoltaic vid baghetg nr. 620 sin parcella nr. 4939 a Sumvitg-Russein.

Nr. 03/2024

Monn Eugen, 7175 Sumvitg; remplazzar la cuvrida dil tetg dil baghetg nr. 940-A sin parcella nr. 6722 a Laus-Con.

Nr. 04/2024

Bearth Meinrad, 7173 Surrein; remplazzar la cuvrida dil tetg dil baghetg nr. 591B sin parcella nr. 6724 e colurar tetg dil baghetg nr. 592 sin parcella nr. 6726.

Nr. 05/2024

Schmied-Bearth Wolfgang e Rosmarie, 7172 Rabiun; remplazzar ils posts finiastra e barcuns dil baghetg nr. 514 sin parcella nr. 201.

Nr. 07/2024

Schmidt-Cavigelli Marcus, 7174 S. Benedetg; montascha d'in indrez fotovoltaic sin tetg dil baghetg nr. 227 sin parcella nr. 6079.

Nr. 12/2024

Swisscom (Schweiz AG), 3050 Berna; cavar foss per lingia da colligaziun sin parcellas nr. 817 e 6470 a Surrein-Planatsch.

Nr. 17/2024

Uniuin da pescadurs Sumvitg, 7175 Sumvitg; remplazzar seiv sin parcella nr. 5158 a Cumpadials-Laus.

Nr. 19/2024

Theus Arno e Silvia, 7012 Favugn; midadas da terren sin parcella nr. 6404 a Surrein-Cargiet.

Sumvitg, 23-02-2024

Cumissiun da baghegiar

Votaziuns federalas dils 03-03-2024 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 03-03-2024, dallas 10.00 – 11.00 uras

Sonda e dumengia, ils 2 e 3 da mars 2024 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 23-02-2024

Biro electoral

Restituziun d'ina cumpart vid cuosts d'abonnements da sport ni contribuziuns ad uniuns sportivas

La radunonza communal dils 30-01-2024 ha approbau la lescha davart promoziun da sport e mess quella en vigur retroactiv cun igl 1. da schaner 2024. Sebasond sin questa lescha sa la vischnaunca separticipar vid ils cuosts per la cumpra d'abonnements da sport ni contribuziuns ad uniuns sportivas. La suprastonza communal ha fixau sebasond sin art. 5 dalla lescha davart promoziun da sport la contribuziun communal per igl onn 2024 sin frs. 300.-- per affon/giuvenil.

Sustegn finanziel vegn concediu per abonnements per saver far sport ni/e contribuziuns ad uniuns sportivas dil gener stagiunal ni annual. Ei vala il principi ch'ei setracta d'ina activitad sportiva che vegn exequida dil retschevider dil sustegn finanziel regularmein sur in onn ni ina stagiun ora. Il sustegn finanziel serestrenscha sin tut ils sports che vegnan susteni entras Giuventetgna e sport (G+S). Il sustegn finanziel serestrenscha sin abonnements tier furniturs da prestaziuns ni uniuns da sport cun sedia en ina dallas vischnauncas dalla Regiun Surselva.

Damondas per contribuziuns ein d'inoltrar entochen la fin digl onn calendaric all'administraziun communal duront las uras da spurtegl. Ei vala il datum dalla quittance ni dil quen digl abbonament resp. dalla contribuziun.

Per ulteriuras damondas stat l'administraziun communal bugen a Vossa disposiziun.

Sumvitg, 23-02-2024

Administraziun communal

Uffeci civil Surselva

Mortoris

Schmid Josef, naschius ils 24-10-1944, morts ils 10-02-2024, staus sesents a Surrein.

Schmed Valentina, naschida ils 26-12-1934, morta ils 12-02-2024, stada sesenta a Surrein.

Nay Irena, naschida ils 12-03-1937, morta ils 12-02-2024, stada sesenta a Cumpadials.

Sumvitg, 23-02-2024

Controlla da habitonts

Inoltraziun declaronza da taglia 2023

Tuttas persunas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2024** per persunas cun activitad da gudogn dependenta, scolars, students, pensiunai, disoccupai.
- **30 da settember 2024** per persunas cun activitad da gudogn independent, societads semplas e persunas domiciladas ordeifer il cantun cun interpresas el Grischun.
- **30 da settember 2024** per persunas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2023 ein d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch (Fristenerstreckung)
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673- per Sumvitg e 696- per Trun), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

L'allianza da taglia Trun-Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschiert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier l'allianza da taglia Trun-Sumvitg (081 920 25 01).

Conjugals che vivan giuridicamein ed effectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins.

Davart ulteriuras damondas stat l'allianza da taglia Trun-Sumvitg a disposiziun.

Sumvitg, 23-02-2024

Allianza da taglia Trun-Sumvitg

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 23-02-2024

Departament traffic

Cuors fundamental per pescadurs giuvens/entschaviders 2024

L'Uniun da pescadurs Rein-miez organisescha il cuors obligatoric fundamental per pescadurs novs. Il cuors vegn serraus giu cun gl'attest savida da pescar. Quel lubescha al possesur da'acquistar il patent da pescar el cantun grischun ed en l'entira svizra, nua ch'il „SANA“ vegn pretendius. Ils cuosts muntan a fr. 95.— ed includan il gentar cun bubrondas senza il material da scolaziun. Il cuors ha liug:

Sonda, ils 6 d'avrel 2024 en l'aula dalla scoletta a Curaglia

L'annunzia saveis vus far sut l'adressa www.anglerausbildung.ch ni directamein tiel president dall'uniun Placi Flepp 079 406 74 16. Il material da studi anfleis vus sut www.anglerausbildung.ch.

Uniun da pescadurs Rein-miez